



UNIVERSITÄTS-  
BIBLIOTHEK  
PADERBORN

**Claudii Fleurii Abbatis Historia Ecclesiastica**

Ab Anno 483. Usque Ad Annum 561.

**Fleury, Claude**

**August. Vind. [u.a.], 1759**

**VD18 90117824**

§. 25. Epistola Papæ ad S. Avitum Viennensem.

---

[urn:nbn:de:hbz:466:1-66066](#)

Sæculum VI. Epistolas nostras publice recitari curabitis, quod si facere timore impediantur, saltem ipsi Clericis suis prælegant, utrum facere velint, optionem habeant. Subscribentium deinde Nomina, & Joannis Metropolitæ ipsorum ad nos afferetis, & nullib[us] moras trahetis, ne incidatis in Adversariorum insidijs. Epistolæ istæ ad Episcopos Epiri Mense Nov. anno 516. datæ sunt.

## §. XXV.

*Epistola Papæ ad S. Avitum  
Viennensem.*

*Avit. Ep.to.  
4. Conc. p.  
1445.* **H**ormisdas Papa anno superiore 515. ad S. Avitum Episcopum Viennensem dederat Epistolam, ut Conversionem Provinciarum Dardaniæ, Illyrici, & Thraciæ, notam faceret, & adversus Schismaticorum fraudes præmuniret. S. Avitus non ignorabat, Ennodium a Papa in Orientem missum, credebatque, & alteram Legationem illo abiisse. Nec multum aberrabat, quippe Legati accincti jam itineri erant. Ut hujus Legationis eventum disceret, Alexium Presbyterum, & Venantium Diaconum totius Provinciæ Viennensis nomine Romam misit, quia Græci reconciliatos se cum Ecclesia Romana jactabant. Epistola eius Tertio Kalend. Febr. Agapito Consule,

sule, id est, 30. Jan. anno 517. reddi- Sæculum VI.  
ta est. A. C. 517.

Respondit Papa; semel tantum Legatos se misisse, hosque re infecta rediisse, quod Græci Pacem sincere non quærent. Ideo nihil litterarum, inquit, ad te dedi, quid enim scriberem, videns, quod obstinate in errore perseverent. Hinc moneo te, & tecum omnes Galliarum Episcopos, ut constantes in Fide sistis, & vobis a calliditate seductorum caveatis. Ut vero sciatis, quæ in illis Regionibus Rei Catholicæ facies sit, multi in Tbracia, quamvis Persecutionem patiantur, in nostra Communione perseverant. Dardania, & vicinum Panoniae Illyricum, petierunt a nobis, ut Episcopi ordinarentur, & ubi necessarium fuit, voluntati eorum satisfecimus. Episcopus Nicopolitanus Epiri Metropolita cum suo Concilio nostræ Communioni accessit. Secundam Legationem adornare cogimur, ne quidquam ex parte nostra omisisse videamur, sed omnibus liqueat, Schismaticis nec umbram justæ excusationis superesse. Preces vestras nostris jungite, ut Res feliciter succedat. Mittimus ad vos Acta, ex quibus perspicietis, quo pacto Nicopolitani, & Dardani ad concordiam reversi fuerint. Hæc Epistola 15. Febr. 517. data. Papa eadem super re ad S. Cæsarium Arelatensem scripsit,

Sæculum VI. scripsit, ut illi, & Episcopis Galliæ Illy.  
A. C. 517. ricorum redditum nunciaret. Mentio-  
nem injicit de aliqua in Orientem Le-  
gatione, quæ secunda fuerit, & eventum  
se expectare significat. Hæc Epistola  
data est sexta Sept. Florentio Consule,  
qui anno 518. ponitur; sed suspecta est  
hæc Dies.

## §. XXVI.

*Altera Constantinopolim Legatio.*

Lib. Pont. in Hormisd. Ep. II. **H**aud diu post istam ad S. Avitum da-  
tam Epistolam Hormisdas Papa Le-  
gatos suos secundo Constantinopolim i-  
ter ingredi jussit. Ad hanc Provinciam  
rursus delegit Ennodium Ticinensem,  
cui socium dedit Peregrinum Misena-  
tem, tradiditque ferendas Epistolas sex  
cum Libello, seu Formula, qua Schisma-  
tici redditum ad Ecclesiam profiterentur;  
præterea exempla novendecim Prote-  
stationis, quæ per urbes spargere debe-  
bant, si ipsorum Epistolæ non reciperen-  
tur. Epistola prima dirigitur ad Anasta-  
sium Imperatorem, quem Papa hortatur,  
ut quæ promisit, præstet, docetque  
non satis esse, si Nestorium, & Euty-  
chem damnet, nisi etiam damnet Aca-  
cium, Auctorem enormis mali, & causam,  
quod Ecclesia Alexandrina in Schismate  
persistat, quo reliqua Orientis funesto  
fato usque in illam horam involverentur.

Secun-